

Transkription von Urkunde HST 1499a

Ort, Datierung: Stralsund, 1499-01-23

Signatur: Stadtarchiv Hansestadt Stralsund, StU 1812 [\[online\]](#)

Inhalt: Enwolt Ummantze: Schuldurkunde

Jck Enwolt u(m)mantze wanaftich vppe der vere myt myne(n) erue(n) boke(n)ne vn(de) betuge ape(n)bar vor allesweme / in desseme breue dat Jck myner egene(n) rechte(n) wýtlyken schuld plýchtich vn(de) schuldých býn der Erlyken frou/wen Margareten zelýgen her Mathyas darnen wandages borgermeýsters tome su(n)de nalatene(n) wede/wen veftich m(a)rck sund(escher) de mý van er wol to dancke vornoget vn(de) betalt sýnt vor der makinge desses bre= / ues desse vorscreue(ne) veftich marck su(n)d(escher) schal ýck vn(de) wýl mýt myne(n) erue(n) er vn(de) eren erue(n) wol to dancke be/talen mýt vór m(a)rcken rente Nu vppe sunte Mertens dach negestuolgende myt vmbeworen reden / pe(n)ny(n)gen by(n)nen der stat tome su(n)de edder mýt also velen pande(n) de dar nogaftich vor sint de allerede myt / alleme rechte voruolget sint de me(n) vloten voren vn(de) drýue(n) mach dar se edder ere erue(n) ere vnbeworen / reden pe(n)nýnge van neme(n) mogen by(n)nen der stat tome sunde an eneme su(m)men su(n)der alle ere(n) hinder vn(de) bo/wýslyken schaden vn(de) weret sake dat margareta darnes edder ene(n) erue(n) desser betalinge jenige(n) schaden / neme(n) kofte vn(de) teringe dar v(m)me dede(n) de bowýslyck were den schaden koft vn(de) teringe schal Jck Enwolt / v(m)mantze edder myne erue(n) en gantz vn(de) alle wedder vprichte(n) vn(de) wedder legge(n) to deme houetstole vnde / de(n) schade(n) an den houetstol nicht to rekende vn(de) su(n)der jenigerleýge hülperede vn(de) weddersprake vn(de) su(n)der / voruolginge houetmans mýt rechte Dýt allent vorscreüen laue Jck Enwolt v(m)mantze mýt mynen / erue(n) vn(de) Truwen medelaueren alse de ersame(n)ne ma(n)ne Týtke dargemer to slawýttze schýr le(m)meke to / barnekenitze Mathýas rýdder To bessýn Clawes Thüre Clawes kale jacob swarte vn(de) Clawes Teske / in deme ke(r)spele tor vere laue(n) alle same(n)tlýke(n) mýt ener same(n)den hant Margareta darnes vn(de) ere(n) eruen / in gude(n) truwe(n) vn(de) sekere(n) loue(n) stede vn(de) vast wol to holdende su(n)der alle argelýst Des to groter tuchnis/se hebbe wý erbenomede louere vnse jngesegele mýt vnse houetmans jngesegele wýtlyke(n) gehen=/get an desse(n) breff der wý jacob swarte vn(de) Clawes Teske ock mede brukende sint de geue(n) vn(de) screue(n) ys na / gades bort xiiii^C vn(de) xcix jar des myddewekens vor su(n)te pawes dage siner bokeringhe